

樞

垣

記

略

樞垣記略卷之二十五

詩文六

潘世恩詩十三首

甲午正月廿一日奉

命入直樞廷翼日卽蒙

恩賜第恭紀

夙夜趨公敢計私燕居早又荷

鴻慈庭留花木安排好坐有琴書位置宜入直近依

天咫尺退歸真覺日舒遲巢林已慰鷓鴣願況許朝陽借

一枝

八月二十六日蒙

恩賜紫禁城內乘轎恭紀

紫禁森嚴漏未闌趨朝特荷

聖恩寬榮叨策騎心猶壯

己丑十一月蒙
恩賜紫禁城內騎馬

詔許乘軒體卽安

上界星辰真覺近五更風雪不知寒卻慙半載承

三錫

本年二月奉
免其入班並免帶領引見
恩旨御門

異數頻仍報稱難

恩旨給扶恭紀

待漏晨趨拾級時覲

光咫尺敢倭遲人誇腰脚年來健自覺精神老漸衰

特遣朝臣頻問訊親承

天語許扶持從今跬步期加慎勉效馳驅報

聖慈

新正蒙

恩晉加太傅銜

賞用紫韁恭紀

迎年六出早占豐獻歲祥雲耀碧空

天以麻徵昭

聖德

帝敷闔澤逮臣工拜

恩春殿三元會數典香山九老同

同日發
世恩年八十
恩者九人
肅親王敬

敏貝勒麟德大學士寶興尙書保昌阿勒濟阿李振
祜都察院左都御史成剛都統中山年皆七十以上何幸

輕材膺

懋賞矢將精白勵丹衷

自愧衰庸蒲柳姿每邀曲體荷

恩私得臻耄耆皆

君賜豈有涓埃答

聖慈

寵眷上公慙燮理輝分下乘勉驅馳願賡天保升恆頌仰

和

虞廷喜起詩

八十生辰紀

恩述懷詩八首

帝許延祺紀七旬

世恩七十生辰蒙
錫亮宜猷襄密勿靖

共介
寶熙載延祺頌
福錫康強楹

聯 十年今又拜

溫綸衰遲已迫桑榆景

長養還滋

雨露春獻歲迎祥

恩載渥

本年元旦蒙
太傅

賞用紫

纓

晉加

自

天錫嘏

命重申門閭忽訝星雲燦

丹詔輝煌下

紫宸

休沐親承

天語溫

奉

二十

日

母

進

內

日

先期

星使早臨門

璇題拜捧

龍章煥

寶墨欽瞻

鳳藻騫斐几敷陳增璀璨

尙方瑰異

錫便蕃卽看被體衣裘稱安煥胥叨

大造恩

異敷榮膺

懋賞延孫枝特荷

寵恩偏

孫祖蔭蒙
賞給舉人

鹿鳴遽預興賢列蛾術方慙射策年

儘有功名磨鐵硯莫忘世業守青氈從茲魯鈍宜加勛詩
詠周行益勉旃

銅龍曉闕問

安回

用唐
人句

詩句新成荷

聖裁正喜

恩光天上至又看麗藻日邊來摛詞具仰摛謙吉應教慙

非大雅才侍學頻年蒙

獎勵頽齡何幸得追陪

記從通籍到蓬瀛五十年來歲序更八表光陰真迅速

三朝知遇總

生成和羹敢擬王曾詠

乾隆

癸丑

蒙恩授修撰 絜膳欣陳李密情

嘉慶丙子蒙

恩准在籍侍養

綸閣超遷思日贊

道光癸巳由吏部尚書蒙恩超遷大學士甲午入直樞廷

捫心何

以答

昇平

年來稠疊

主恩優擢質頻邀

體恤周

寵畀安輿榮策馬

道光癸卯
錫榮逾

賞紫禁城乘
錫馬益深感幸掖從

中禁勝扶鳩

乙巳冬日
於進宮時
命南書
房太監於進宮時扶掖

康莊敢說馳驅瘁

近年

賽遮
恩免隨扈

大典時虞隕越羞

帶領
御門免入班各衙門引
坤室宮吃肉免入班

經筵
見免謝

鵬後毋庸
至文淵閣如此

矜全真破格此生萬一豈能酬

芸窗世業本青箱科第蟬聯被

寵光東閣簪毫輝棣萼

子曾沂曾綬先後直內閣曾綬以
纂修玉牒賞加侍讀

升西清接武晉芝坊

世恩嘉慶戊午大考一等由修撰游
升庶子曾瑩道光丁未大考一等由

編修升
庶子

碧雞舊壤榮持節

世恩嘉慶己未視學雲南曾瑩
道光丙午簡放雲南正考

官仙蝶新篇紀奉常

曾璋丙午補
太常寺博士

小草幸承

膏澤渥全家同祝

壽無疆

虞廷熙績懷承宣黃髮深慙膂力愆馬齒徒增羞戀棧

鴻慈未報忍歸田同朝屈指無前輩

翰林前輩惟阮芸臺
太傅子告在籍

共事和衷仗衆賢惟矢靖共期匪懈慎持晚節一心堅

彭蘊章詩三十三首

香山 靜宜園瀑直恭紀

九老當年佳宴開

乾隆時舉香山九老宴繪圖中禁先曾祖尙書公與焉

五雲深處

翠華來蒼顏圖像留中禁紫閣文章落上台

有御製詩諸臣

和豹仗今隨還信宿鳳池仍許共徘徊詞臣榮遇懷先哲

先尙書直南齋四十年承乏螭坳愧不才

癸丑元日

上詣

壽皇殿命隨同行禮恭紀

律轉青陽萬象新焚香祇謁

闕宮春

六飛翠罕來中禁九拜瑤墀感從臣孺慕未忘符

舜孝

先型遠紹布

堯仁

至誠昭格

天垂鑒貌虎南驅白獸馴

木末言明 卷二十一
正月二十三日蒙

賜御筆其難其慎四字匾額敬賦一律以志榮幸

幾暇揮毫

賜近臣彩箋捧出墨痕新艱難宏濟期安

國敬慎常存勉致身喻到涉冰心戒懼凜如執玉步遵循
深思一德篇中語四字

璇題誨爾諄

晴後復雪春寒更甚退直偶成四首

雪深迷不辨西東已脫貂裘更北風盡道冰堅泥路滑退

朝莫漫控花驄

掃盡春泥昇雪溝

唐句

長橋不見水東流
冰天一色渾無際

深鎖瓊宮十二樓

呼酒圍爐夜未闌
紙窗風急燭花殘
遙憐今夕河間路
篳篥聲中萬竈寒

羽書千里馬蹄僵
謀騎聯鑣驛路長
聞道盧溝三尺雪
橐駝腫背送餼糧

三月初九日 瀛臺入直

御槍擊中野鷺

木士言明 卷二十一
賜軍機大臣恭紀

煙波深處水禽翔聊試

神機一發強介弟行廚先拜

賜

恭親王
領班

近臣陪鼎許分嘗大庖不滿春田後珍膳猶頒

太液旁何日更隨

南苑獵三驅同看角弓張

方略館謁留侯祠

泗上真人歌大風運籌帷幄埽羣雄報韓未遂椎車志輔
漢終成躡足功黃石授書謀逐鹿赤松辟穀羨飛鴻建儲

聊借商山皓脫屣榮名一笑中

穀雨日入直 瀛臺退朝泛舟至 西苑門卽事書懷
爛漫春光中亭臺間花木

西苑罷朝參行過虹橋曲牆角丁香叢茶火照人目夾路
菜花黃沿隄楊柳綠揚舸趁暖風清波紋縐縠參差碧藻
流出沒羣鳧浴自從羽檄馳憂憤額頻蹙不知天地間春
意還繁縟羣生有亨屯造化終亭育

皇心保太和剝極機將復

上巳日隨扈

西陵初六日隨

駕恭謁

慕陵禮成回至秋瀾恭紀

山陵修展謁肅駕殷

皇情兩載事征戍勞民役暫停大禮詎久曠感茲霜露零

蠲言勤

鑾輅畿西二日程

四陵次第謁樞臣陪

慕陵

成皇猶及事攀髯歲月更

聖主躬孺慕下馬動悲聲羣僚皆愴惻九叩淚縱橫昨夜
風揚沙是時天朗晴

孝思驗昭格肸蠶來

神靈念自橋山痛五年勞甲兵

宵旰修

主德瘡痍恤民生亨屯關世運天道豈冥冥泣額

在天佑江漢殲長鯨萬戶安耕鑿重瞻海內平

園居偶述三首

荆扉一閉忽三秋野蔓枯藤滿地愁掃徑恰逢梧葉落披

圖還羨竹林遊

沈鳳擢爲余畫竹林六逸圖

慣隨曉月趨深苑閒送斜

陽倚小樓多感主人分廣廈一枝仍許借淹留

園分孔修師舊居之

半師今入直樞廷仍許借居

東籬佳會莫蹉跎黃菊開時興若何送酒無人酬令節叩

門有客賀登科烽來地名心淡雨露一天

恩澤多白髮蕭蕭何所慕百年身世付謳歌

宗伯幽棲號似園

麟梅谷大

當年歡會此傾樽

壬子夏梅谷招余借

祁春園相國邵又村少宰穆清軒光祿同飲於此

裴卿挽粟猷彌壯

又村旋以漕帥出都疏

傅歸田道更尊

春國相國因病致仕

三載屢驚人，物換一堂依舊笑。

言溫

余與繼園少空同爲孔修師門下士清軒少宰亦師吾屬

愧無籌

國安民略日與參知細討論

孔修師新拜參知之 命

十一月初五日 漪瀾堂

召對作

燈火虹橋曙色催，承光門外共徘徊。
湖天一望冰如鏡，無復扁舟喚渡來。

侍從身依十二樓，初寒天氣

賜珍裘

是日因道旁謝

賜裘恩

可憐將士呼庚癸，挾纊何能遍。

九州

二月十七日春雪初晴詣玉泉山 靜明園瀑直作兼

懷壽陽相國城南

湖山一別幾春秋扈

蹕重來憶舊遊春雪融泥花徑滑水天開鏡溼雲收巖前
塔影迎眸聳橋下泉聲入耳幽遙憶城南風日美知多清
夢落滄洲

恭和

御製清漪園卽事

上巳前
二日

元韻

御園風景自清華
疊石幽深樹更嘉
檻外湖光新漲合
簷前山色淡雲遮
天回畿甸春千里
地接瀛洲水一涯
麥隴青青占歲稔

持盈還慮物情奢

園居雨後

雷車輕碾阿香行
摩盪空中霹靂聲
驟雨已過雲脚斷
斜陽還照樹頭明
簷前乾鵲啼初歇
葉底新蟬噪不成
黃犬寄書歸未得
軟紅依舊蔽巖城

借園八景

壬子春假孔修師園寓居半載今又居此一年矣庭
中有古柏修篁藥欄藤架牆纏薜荔籬植黃花疊石
如山小樓延月春秋佳日流覽怡情因題曰借園而
系之以詩

古柏

森森古柏後凋姿
厯盡冰霜勁節支
留得清陰消暑氣
薰風庭院午晴時

叢竹

西窗叢竹景偏幽
謾謾清風滿徑秋
一枕蘧然莊夢醒
幾

皇高臥不知愁

藥欄

階前紅藥我新栽不及陳根爛漫開始悟十年期樹木幾
經雨露受滋培

藤架

簾外枯藤花下垂花開香色總相宜盤挈老幹龍蛇伏絡
石穿林態崛奇

荔牆

薜荔牆邊細雨收空濛冷翠一庭秋黃梅時節蟻蝓畫不

似人間顧虎頭

短籬

竹籬門對夕陽開
野草閒花滿地栽
苔徑不堪延俗客
太常仙蝶偶飛來

疊石

瘦石玲瓏闢徑新
倪迂獅子出風塵
嶙峋縱比淮南小
五岳天涯結比鄰

小樓

小樓高傍畫堂東
落日開簾面面風
最好清秋明月夜
千

家燈火笛聲中

八月二十九日奉

敕恭題

御筆求駿圖敬成七言古詩一章

燕山秋高首藉長驂騶伏櫪思超驥

九重蒿目念吳楚風塵千里弧矢張觀茲神駿懷遠略安
得名將埽八荒

繪圖意在安天下凜如朽索馭六馬見蝗有

詔恤羣黎憂旱

命官巡四野

宵旰勤勞

聖主心霜蹄入廐豈從禽早嗤赤水湟中產何事瑤池域
外尋

揮毫尺幅英姿壯屹立闡闔依

天仗功成應向華山歸羣空先自金臺訪由來致治重求
賢騶虞官備風詩傳果有王良能執轡何勞祖述著先鞭
朝廷經緯兼文武元戎十乘驂如舞蓮葉千旗畫烏蛇桃
花萬騎驅貔虎何時薄伐歸南仲早奏膚公燕吉甫年年

西塞貢蒲萄

天閑十二揚玉鑣凱旋還欲康侯錫

恩賚榮酬汗馬勞

別借園

園林欲別增惆悵不忘年來師弟情綠野何能春久住朱
門每見主頻更藤因緣樹高無際藥爲移根掬不盈贖有
一雙仙蝶在闌珊花事夢難成

扇子湖觀荷二首

湖西未栽花湖東香出水一雨花氣銷零落已如此

木
我
家
荷
花
蕩
近
在
葑
門
外
何
時
泛
苓
簪
重
訪
釣
游
地

散直口占三首

趨朝待漏夜披衣退直青山銜落暉
驛路軍書催不斷揮
毫人共暮鴉歸

銅街爆竹送新聲
玉竦橋邊霽色澄
九十韶光還未半
南湖流水北湖冰

吹到東風節物妍
湖隄柳色半含烟
眼中誰是無雙士
日暮青天響紙鳶

樞垣記略卷之二十五

樞垣記略

卷二十五

樞垣記略卷之二十六

詩文七

寶鑿詩三十四首

甲戌二月二十四日扈

蹕晚宿黃新莊作

六飛臨蒞勢威雄環衛森嚴

禁籞同碧野萬燈星宿海綠莎一路馬牛風梨花夢雪噴

香膩

行宮梨花盛開大觀也

麩麥連雲祝歲豐更有臨淮賢伯相山

川彈壓氣如虹

直督李少荃伯相率地方官均隨扈

房山早行

大防山翠鬱嵯峨，夙夜趨公響佩珂。四野人家春睡足，五

更天氣曉寒多。飛仙自愛紅螺嶮，在上方行旅爭誇白玉

河。白玉塘水灌田出玉塘米指點上方渾不遠，片雲涼月滿烟蘿。

望石經山作

金經藏蘊奧，石洞闕遙深。古徑音梭題草山多是草故名靈風

香樹林。石經刻竟山吼樹生王程多迫急，聖跡待追尋。迢遞雲山隔

時聞笙鶴音

半壁山夜景

薄雨微雲釀早春宵分景色極清新依稀白水聞聲覺隱約
青山入夢頻楊柳煙沈飛絮影棠梨風捲落花塵輕輿
迅急征途暇戲喚流鶯作比鄰

秋瀾道中

無黨無偏遵道路也如待漏百花中衢尊久羨陶唐氏晝
錦仍思韓魏公玉筍班清誰建白金蓮炬美並搖紅

夾道
籠燈

並有竹火
前導者

戴星出入懷寅亮喜仰

辰居勵匪躬

詠召伯

本草連天接薊門召公餘烈至今存千七百國幽并勁三
十六年師保尊玉几受遺齊尙父金臺養士有諸孫彌綸
政化孚南北花發甘棠羨野村

曉赴秋澗

野雲四卷青茫茫一鈎斜月昏鴉黃五更虬箭蝦蟆長聲
聲似促人行裝催歸有鳥啼垂楊馬首胡弗瞻東方九龍
山色宵蒼涼珠杓橫溢金精芒安河之水卽滄浪濯足濯
纓誰低昂亦如叔度波汪洋古今景慕中心藏須臾旭日
升扶桑蒙翳盡掃開明光山南山北紛村莊民物熙皞娛

時康迪麗臥虎通紅羊此間世界真羲皇茅檐仰視飛雲
翔車馳馬驟行不遑塵容應笑官程忙秋瀾咫尺帷幄張
一甌佳茗思旗槍夾路忽喜清芬揚梨花杏花參差香

辟穀洞

辟穀之洞真奇哉此間奚事留侯來豈因秦皇大索避居
此否則遊從赤松子後世詭託難具論漢土久非隆準諸
子孫所幸涿鹿近接壤真迹尙有樓桑村

塔岡懷古

突兀勢卓立巨塔干青霄藉問建者誰云自隋皇朝隋氏

周懿戚幼主天元驕詐力竊神器禪讓沿譏嘲獨孤雞鳴
晨阿麼鼠承祧慘哉太子勇宮禁煙雲銷江南兵滅陳海
東威脅遼但期志意滿遑恤閭閻凋云何開汴渠殿脚螺
雙描頭顛漫自好花月頻興妖構此窳堵波妄思天福邀
下糾蟠石螭上俯凌風鷗法象詎呵護令狐旋紛囂復仇
僭化及易代來神堯尉遲士桓桓重此規岌堯迄今千百
年仍仰工鐫雕高岡鬱起伏范水清迢遙我來凝望之赤
城飛霞標檐鈴金玲瓏東風時動搖惜無佛圖澄古語傳
喁刁

釣魚臺

釣臺饒逸趣懷古思悠哉嚴陵高隱名礮溪王佐才淮陰
亦釣徒功狗功人猜西岐有聖王靈沼兼靈臺茲境
國門西經過頻徘徊徘徊意未已清風天上來

八月二十六日扈

蹕南苑恭紀

記曾蘭省隨

雲罕彈指光陰廿九年

供職禮曹於道光二十六年隨扈駐此

今日屬車陪

豹尾古人羽獵炳鸞箋秋風疎柳黃篩地野潦蘋花白滿

川劉阮重來誰比似笑從宦海悟神仙

瞻神機營壁壘有作

名王簡閱振英聲不數周家細柳營地勢恢奇雄紫塞日
光焜耀閃紅旌金符令肅鷲塵寂玉宇秋高勁氣橫我亦
濫叨都統列本兵未敢侈談兵

新調兵部尚書

赴團河途中作

我欲閒從麋鹿游應官忽得趣清幽野花繡地平如掌遠
樹參天爽入眸職業戎兵宜校獵襟期疏朗況逢秋

聖朝湯網殊寬大寄語虞人莫剔控

本年有免勾

恩旨

團河五律

宮掖涵神淵虛靈象法天一灣珠內蘊萬古月常圓獨抱
中和氣真成太極泉鳳形河衍派

恩澤徧農田

撒圍恭紀

星駟肅

天威蒼茫大合圍雷霆千騎奮毛血半空飛地挾風雲壯
人誇雉兔肥長楊誰獻賦西漢溯芳徽

拜

賜獵塵一肩紀

恩恭賦

八駿雲飛七寶裝

星弧開處殪天狼

賜脛典盛尊鄒邑推食

恩釀比漢皇愧乏遠謀呈紫闥虛叨佳味炙黃羊周京魚
藻風規古擬進

璇宮

萬壽觴

季秋口占

露砌蛩吟細風枝鶴夢涼
天時催九月人意喜重陽
錦纈林楓赤金鈴野菊黃
憑高無限意雲水寫清蒼

南苑聯吟題句

作者爲潘伯寅侍郎黃孝侯司寇徐頌關宮庶孫子
受侍讀歐陽用甫宮贊

宿列文昌翊

紫微編開錦繡字珠璣
蓬萊共羨羣黿戴藻采
爭看五鳳飛紅葉白雲
新畫境高山流水古琴徽

盛時合擬長楊賦講武端應諫獵稀

宮門

御試鶴射恭紀

聖主臨軒猛士豪
袿黃翎翠繡弓攷
明蟾重暈月輪滿
老鶴一聲天宇高
金僕姑神窺宛轉
錦盤陀

賜慰賢勞中皆已鵠蒙

恩渥無復馮唐歎二毛

由團河赴都途中作

鳳闕望峩峩言旋覺路遙
村氓生似鹿溪柳臥成橋
卽景

須臾暇披襟壘塊銷菊花新釀熟小飲羨漁樵

中書省紀事四絕句

中宵雨霽嫩涼新盡滌東華十丈塵莫訝金門車馬靜

聖皇秋獮正時巡

萬戶千門曙色開薇垣師濟列羣材一肩黃袂隨飛騎笑
指

硃封密本來

監射名兼較射名分司侍御鐵錚錚黃封仍鏤雲綾匣飛
將星馳繳

御營

熙天耀日說黃麻軍國平章自古誇故事奉行今我是閒
庭笑煞紫薇花

新衙門七律

臺輿計日

鳳城歸雨足郊原風力微斜照一林秋樹瘦清霜十畝晚
菘肥山窺短堞銀雲護河繞

新宮玉帶圍最喜南齋諸雅什珠光劍氣溢輝輝

謹次恭邸步

宣宗聖製行圍至團河行營卽事元韻

靈囿寬平獵事宜

軒皇曾此陣雲馳

賡歌雄傑漢高帝環衛驍騰唐尉遲藏鹿何人恬夢寐懸
貍有客詠漣漪

神孫秋獮親藩扈一派

璇源證水湄

乙亥九月十八日扈

蹕路河途中哀感

秋風秋樹淡斜陽
噩夢無端攪混茫
碧漢

龍升珠濺淚丹山

鳳逝玉韜光
媧皇鍊石天容慘
蜀帝啼烟野氣涼
歎息蓬萊水清淺
十三年事感滄桑

夜赴白澗

燈火走間關
途長心自閒
霜清秋寫月
樹遠夜疑山
幸得川原曠
渾忘涉歷艱
暖紅欣日出
道路盡歡顏

葛山口占

綜錯碧瑤簋
豐臺瑞氣含
云何山有木
翻取葛之覃
蠶化

魔氛靜龍興佛果參清書聞梵唄拜手學和南

西峯口作

涼颿催晚節落葉滿平原忽入西峯口猶看衆綠繁松隄
驚客竄羣鹿飲流喧最愛巖頭菊蕭疏澹不言

音得密七律用老杜藍田崔氏莊韻

碧巘丹楓棟宇寬迎

鬢父老雜悲歡黃花似近王官谷白氎時逢隱士冠風葉
四山秋入夢雲花萬頃曉生寒低徊不忍輕言別豈是貪
將景物看

俯仰乾坤意境寬
秋成萬寶兆民歡
古聞狗監司魚鑰
今或蟬綏藉范冠
市地峯巒欣雨潤
入雲鴻雁戒霜寒
道旁無限青青麥
更爲蒼生著眼看

過薊州作

秋深芳草尙萋萋
一路清風信馬蹄
洵水碧縈燕樹外
漁山翠點薊門西
道如軒帝猶延訪
政有張君共品題
底事寺偏名獨樂
菩提無語但眉低

卽事

詩在奚囊酒在盆
夕陽鴉點碧天痕
蕭疏一幅倪迂畫
黃

葉西風白澗村

林壽圖詩七首

巡防夜直

幕府秋高夜氣清
牙旗鼓角靜風聲
薄寒借酒銷殘蠟
細火烹茶送短更
但使將軍寬揖客
未妨老卒伴書生
看星擬挾威弧矢
料識天狼不敢明

病中夢登拱宸樓

北斗闌干接上層
病魂蓬島忽飛騰
登樓秋老半山月
近水星明初夜燈
人影破窗呼欲出
蟲聲落葉靜相膺
遊仙

一枕吾堪慰苦被鷓鴣雞喚日升

福州郡館上元燈事甚盛余以園直未赴

良夕此孤飲青天低玉繩月圓最初夜風翦乍晴燈盛事
懷鄉社微官愧友朋何人解相念檐鐵聽敲冰

二月十五日退直赴繹萱大令夜飲

蒙脫鶴裘換綠醪禁鐘正值散官曹望中樓閣月輪滿春
半鶯花酒價高彭澤得錢貧且飲孟公投轄氣仍豪不須
靜夜驚吹角聽撥尊前鳳尾槽

七峯別墅夜雪用定甫韻

明滅春光水閣燈雪窗中酒記吾曾煙搖苑樹又今夕星

黯湖橋何處曾三島龍吟沈畫角五更鴉夢警丹稜

丹稜
泔地

名

閉門敢學袁安臥擬踏瓊瑤向曉暎

櫛櫛銀雲作雨篩夢回冷火澹虛帷那無竹舞東方白應
有梅生南向枝望澤早知天與歲傷痍誰爲國求醫登樓
王粲紛多感共撚寒髭喚借鷗

淀園寓廬獨定甫湖樓有柳一株春來忽枯喜可望西
山也復用韻邀定甫同作

朝回螻蟻穴自封蜜房各退成懶蜂斜陽坐數宮鴉紅喜

君樓有湖山供憶昨秋風吹亂蓬却思剗看蓬萊峯凭闌
縮手無斧工不知春到虹橋東誰家青掃長眉濃獨刪繁
葉出老幹洗伐功與詩人同幾年韶穉變頽翁薄植或怨
非天鍾豈知豁眼去塵障一笑乍與巖靈逢看君拄笏當
晴空詩得山骨譏肉豐我欲折枝作馬筆出門還謝羸驂
慵

梁景先詩二首

赴淀園直途中微雪用東坡宿柏仙庵韻

一路緇塵換素霏乾坤逼曉氣逾清袖攜竹葉雲爲液

寒苦

翠瓶酒
車中

車碾梅花玉有聲詩境高寒容白戰天心仁愛爲

春耕

時方
祈雪

登樓明日尋王粲

同直王少鶴晨
部高拱宸樓

放眼西山

萬里晴

題彭詠莪相國樞垣趨直圖

我作水曹郎樞衣畫諾趨公堂公爲樞密使素筆從公深
嚴地嵩華崔巍黃河深光耀久依韓太尉披圖載詹舊須
眉七葉金貂劇華貴爾時司膳光祿卿鹽梅便調傳說羹
圖作於任
光祿卿時 釣龍臺畔藥籠滿蹲鳳池頭珂佩清
使閩差旋
入直軍機
霜晨月夕歷寒暑

敕賜宮袍賚燕許

乙卯元日
特賜蟒袍

捷書中夜馳未央

御燭分輝照蓮炬
東南烽火今八秋

聖主宵旰公塵憂

恩詔口宣蒼黎舞
邊機指畫帷
幄籌卽看海宇清
塵氛明堂飲至策
元勳進賢冠
在凌煙閣

天子爲召曹將軍

畫師爲沈
鳳輝供奉

王拯詩二十五首

繡山屬題張詩船撫軍載鵝圖

撫軍直樞廷日扈從木蘭有饋鵝者而載以駝常被

至尊顧笑嗣是駭慙所至鵝必隨焉繡山爲之繪圖作記
代徵題詠

烏墩疾騎如風過鵝鷓後載飛龍馱駝者倡相應圖屬
車偶矚

天顏和山陰故事新淮汴圖畫流風尙如見我亦變坡許
載毫軍聲夢冷西池宴

曉直

曙鐘初動萬鴉鳴禁樹籠蔥帶月明金爵煙輕疑夢繞玉
階霜重有人行菰蒲夜色迷江海楊柳春風想旆鉦擬躡

松喬身漸老夜爐寒擁一燈清

夜直

承明簪橐問何如曲院幽房好客居
殿角槐風春樹暗觚棱松月夜窗虛
淋漓詔草還飛羽局促風簾屢廢書
襍被宵來眠未得五更霜氣似穹廬

歐陽文忠公生日林子穎叔移奉苑廬舊縣公像於家
同人卽席分韻得顏字

樞軸曾參二府間從容文采照人寰
一時間譽兼諸老千載風流想盛顏
常愧官寮棲嬾漫祇餘香火伴高閑
插花

起舞公應在休問瑯琊何處山

六月七日雨後曉直 承光殿作

東西池水跨長虹水殿凌霄翠堞中萬柄荷香迎

御仗千年松蓋駐靈蹤殿前龍武新歸節海畔蓮華盡洗
空何日酒泉分玉甕簪毫一賦罷南戎

拱宸樓絕句

在 圓明園軍機
直廳七峰別墅中

小樓一角護垂楊攜得秋風襖被涼不信人間是天上樓
前銀漢接紅牆

湖海銷沈鬢欲絲此間來較十年遲午鐘了卻官家事惟

有西山對展眉

屈指荷衣上塾年樓中題字故依然風流祇見雞羣鶴絳

闕彤牙一世仙

妙筆興宗好屬文幾人惆悵惜離羣九重依舊巢痕在燈
火青燐獨夜分

穎叔曉直 清漪園歸賦贈

積雪神皋路仙郎走馬歸迴風欹絮帽飛霰上朝衣白鶴

尋雙表

國有耶律
丞相墓祠

青寬看一圍

內人稱三山
之幸爲外國

雲屏毋乃恨

錯認到金微

雨後扈直 清漪園謁元耶律文正公墓祠

鬱鬱瓮山麓蕭然孰祠墓修治傍宮苑磊落想

皇度宿雨積高原朝煙靄庭樹虛堂神鬼赫遺象冠裳塑
緬懷耶律公草昧適天數倉皇昔元代法制僅龕具當時
茲管葛餘事猶詞賦髯乎故絕倫姚撰趙復實友助我昔
百泉遊馨香拜洲步頗聞梅溪勝咫尺蘇門路如何虛卜
築死瘞邱山處迺知賢者心七尺徇所遇鄉閭重子孫時
節守霜露縱能金盃祕那得銅槃固豹尾幸簪隨螭頭起
瞻慕餘生畏溝瀆何處青山渡

淀廬六詠

七小石

天上北斗星何年化爲石
斲之不能言煮亦不可食
惟應天河畔坐對天孫織

有嘉樹軒

將軍何時去大樹已飄零
我來青天月萬里悵青冥
飽飯黃昏後樵歌起遠汀

井屋

井冽汲常衆井渾淘始難年
時居井眉誰識井苦甘復恐

雨時塌秋蛩號夜闌

拱宸樓

朝直君門趨暮直君門宿君門嚴九重只在湖山曲樓枕
明月夜清景耐幽獨

歐齋

我懷溺文字所學又空疎不期醉翁醉亦在承明廬欲乞
先生筆焚香幾斂裾

湖陰西舫

湖陽車馬囂湖陰好獨處雖無畫舫遊恰有牽船住高樹

落清陰鼓舫時對語

拱宸樓下一柳忽萎頴叔有詩三疊前韻

樓陰一角春煙封依樓芳樹不留蜂晨朝聊隔飛塵紅吹
絮吹花如弗供昨秋零落先蒿蓬爽氣頓豁青瑤峯眼前
得失知誰工春風放綠湖西東樓桃不復纖萋濃一般臨
水足生意咫尺榮枯胡異同樓居黯觸香山翁散朝駱馬
騎龍鍾焚香閉閣猶惆悵曾記絲綸闕下逢神君色相原
虛空阿誰含嬌悽永豐黃昏獨坐自灑掃我老西山眉黛

慵

奉題詠莪樞相出示樞垣趨直圖往爲光祿少卿時作
也圖有記乃典學閩中作

金蓮學士舊聲名青紫班頭早列卿今日璣衡調玉燭一
星龍尾特分明

緋衣先插侍中貂五夜金門最早朝猶有昇平傳故事尙
方珍賚問勤勞

待捷甘泉夜嚮晨燈簾重展畫圖新春風第一螭頭影曾
夢觚稜向海濱

慄慄清霜曳玉珂槐衙風景近如何樓桃笑倚詩情在日

日西山爽氣多

涇園直廬所居爲拱宸樓蒙公惠贈楹帖有山翠滿窗人倚樓之句

歐齋夜讀歐詩有作

一誦明妃曲古音世所稀紛紛顛倒耳目事何用萬里夷
狄爲再讀平戎操我心更悽惻當時有事獨無用有策胡
爲匿不出滁山高高滁水湯湯琅琊尺幅懸中堂翁時年
廛四十強一麾乃在山水鄉巍峩節概雄文章我今年亦
踰強仕位業蕭然媿當世多生文字只情溺二頃桑麻問
誰置憶昔單車諭蜀行相如作檄悔論兵秋風灞岸重迴
馬壯士有懷空請纓門前花葉宮湖滿日夕香風清露漑

五年金馬日棲遲
抱葉寒蟬意蕭散
秋聲夜起湖陰曲
一炷鑪香還夜讀
何當歸買訾洲田
鶉鴂聲中閒叱犢

直廬待雪未成奉
懷顓叔侍御新自
樞垣擢臺諫也

晨朝喜見同雲合
日暮空愁集霰飛
翠袖許教千喚出
紅巾還解十重圍
幾年袂被親同舍
今夕篝燈獨掩扉
驄馬街頭行步好
空林孤鶴亂鴉歸

直廬獨夜

掖廬如水傍層霄
獵獵霜風送晚潮
孤吏守窗人寂寞
亂鴉翻樹語啁啾
坐看涼月移階影
問似空山臥擔樵
飽食

官廚行負手料應雙鬢日凋蕭

樞垣記略卷之二十六